

大寶積經

第六十一

七十九
人一

47569



元祿九年丙子二月日重修

皇國翠園 帝潛綴昌

佛日增輝 懋輪崇轉

山城州天安寺法金剛院置

大寶積經卷第六十一

人

高齊北天竺三藏那連提黎耶舍奉詔譯

菩薩見寶會第十六之一



序品第一

如是我聞一時佛在迦毗羅國尼居陀林與

大比丘眾千二百五十人俱其名曰優樓毗

螺迦葉伽耶迦葉那提迦葉摩訶迦葉舍利

弗大目捷連一切皆是大阿羅漢諸漏已盡

無復煩惱其心自在心善解脫慧善解脫如

大龍象所作已辦皆棄重擔逮得已利盡諸

有結於正教中心得善解於一切法心無所

礙到於彼岸自得解脫眷屬自得調伏

調伏眷屬自得寂定寂定眷屬自得度脫度
脫眷屬已到彼岸彼岸眷屬已到陸地陸地
眷屬自得安隱安隱眷屬自得寂滅寂滅眷
屬自破煩惱破煩惱眷屬自得沙門沙門眷
屬自得息惡息惡眷屬自婆羅門婆羅門眷
屬自除惡法除惡法眷屬自了知諸法了知
諸法眷屬自能得度能得度眷屬自具諸德
具諸德眷屬自無煩惱無煩惱眷屬自離五
支離五支眷屬自得離障離障眷屬自得靜
意靜意眷屬自具六通具六通眷屬自離憎
愛解脫離憎愛解脫眷屬自守護一心守護
一心眷屬自念門具足念門具足眷屬自依

四依四依眷屬自離種種諸見離種種諸見
眷屬自棄諸希望棄諸希望眷屬自得盡行
盡行眷屬自得事訖事訖眷屬自修自修眷
屬自無濁念無濁念眷屬自斷有覺斷有覺
眷屬自倚身行倚身行眷屬自得樂不動樂
不動眷屬自心善解脫心善解脫眷屬自慧
善解脫慧善解脫眷屬自得賢聖賢聖眷屬
如是等比得離枝葉除去皮膚唯有心實堅
固而住爾時世尊於其後夜露地而坐時比
丘衆四面圍遶爾時世尊默然而住觀比丘
衆告諸比丘汝等諸人訪覓一人堪能往化
淨飯王者爾時慧命阿若憍陳如即從座起

偏袒右肩右膝著地合掌向佛即便作禮白
佛言世尊我當往化淨飯王耶佛言汝止憍
陳如汝今具足大師之德不應往彼時有慧
命婆澀摸及大名耶輸陀優樓毗螺迦葉摩
訶迦葉舍利弗大目連等各白佛言世尊我
等堪能往化淨飯王也佛告摩訶目連汝等
且止汝等皆悉具足大師尊重之法不應往
化尔時大德摩訶目連即作是念世尊今者
欲令誰往化淨飯王耶尔時目連即入如實
三昧以三昧力莊嚴其心即得見佛意之所
念在於慧命迦盧陀夷欲令往化淨飯王耶
譬如重閣樓窻之中日從東入光照西壁如

是目連見世尊心專在迦盧陀夷欲令化王
亦復如是。爾時慧命目連即從定起往迦盧
陀夷所到。已白言：世尊，心念知汝堪能往化
淨飯王迦盧陀夷。汝今應當發大勇猛速往
化王。目連作是語已。時慧命迦盧陀夷白目
連言：凡庶難化。何況國王。何以故。刹利種性
灌頂大王。有自在力。難可化。故大目連譬如
聚積衆柴。若二若三。乃至千載。如此柴聚。經
多年歲。甚大乾燥。干時有人放火燒之。成大
火。聚於意云：何此之火。聚寧為大。不目連言
甚大。若復有人。更以無量酥油。漑灌此火。增
盛不大。目連言：轉熾倍盛於意云：何此火可。

近不目連言難可得近如是。大目連利利種
姓灌頂大王難可教化不可得近亦復如是。
大目連譬如狂象之牙可觸以不目連言不
可觸也如是。大目連灌頂利利難可教化亦
復如是。時慧命目連復白優陀夷言世尊心
念知汝堪能往化淨飯王也。優陀夷復白目
連言世尊實垂顧念謂我堪能往化淨飯王
耶。目連答言世尊實誠念汝謂汝堪能教化
父王。尔時世尊自告優陀夷言優陀夷汝可
入城教化父王何以故唯我與汝堪能教化
淨飯王耳。優陀夷我謂聲聞弟子之中汝能
教化諸邑聚落最爲第一。尔時世尊即以偈

頌告優陀夷言

諦聽優陀夷 汝能善教導 必令釋種喜

往化最勝王 王今受悟時 兼利諸天人

必得到彼岸 汝當速往化 釋種淨飯王

今懷恨亂濁 住念慧不行 猶如墜高崖

戀惜子高位 慧心盡迷沒 如商失重寶

追念生大苦 如天墜宮殿 追戀五欲樂

未知佛正法 悲哀大惱亂 自念失七寶

及與人四通 憶此聖王位 口出非法言

王時悲亂言 不覺已及他 如奪精魂鬼

執持於人身 猶在鷄羅山 一切無所見

如是惱恨障 應見不復覩 亦如睡眠死

已心不自尔。憂恨迷惑障。王不識自辜。

如婦夫婿亡。悲淡生憂惱。王今癡惱亂。

哀戀生大苦。汝具巧方便。往化淨飯王。

推到邪慢幢。當建正法燈。更無有能化。

淨飯大王者。唯汝優陀夷。過去曾同行。

優陀夷當知。曾有大國王。名曰增長寶。

聲名震十方。如法作國王。一切皆歸化。

能以正法治。王領四天下。城邑悉滿中。

華果香園苑。多諸賢聖眾。無有雜惡入。

芳林甚稠密。地淨無棘刺。多饒淨妙等。

華池莊嚴好。人民廣熾盛。棄惡常善住。

閉諸惡趣門。必昇妙天道。彼王昔有子。

曾廣供養佛

備修諸善根

具足諸功德

名曰妙堅慧

億眾所供養

常見色欲過

棄家樂閑靜

父王勅子言

汝可受五欲

姝女自娛樂

遊觀寶宮池

我今為汝辦

玩弄無乏少

云何不愛樂

汝當說其意

知諸趣善妙

汝受寶宅中

女寶常圍遶

妙境甚可樂

諸仙處閑林

猶捨退還家

受諸色欲樂

况汝無乏少

姝女眾圍遶

王臣皆隨從

臺館若天宮

應受五欲樂

諸女甚端正

美麗若天人

善奏歌舞樂

可以自娛意

目如優波葉

脣赤若含丹

面滿廣黛眉

平額姝咽頸

臂平缺骨滿

譬如象王鼻 掌如蓮華色 指圓臍纖好

舌薄廣紅赤 美言若甘露 齒素利齊密

珠瓔寶衣服 齋深腹不現 脊如金剛杵

髀股臍圓直 伊尼鹿王蹄 行步如鵝王

皆各瞻視汝 盛年甚可愛 堪能存後嗣

汝及眾麗人 猶如春華開 盛年色未退

應當速受樂 堅慧白父王 王言非正理

若有如法語 所勅不敢違 王聽我今說

樂善真實語 乃至於夢中 不起姪欲想

父王今此言 智者所不許 愚者樂此事

明人常所歎 何故明目人 而羨盲瞽導

豈有岸上人 反樂沉溺者 何有解脫人

而復樂牢獄

豈有安樂人

欽羨眾苦者

我意觀父王

如盲溺狹者

如夢受五欲

復為欲所溺

父王如盲冥

我目見殊勝

王為欲所漂

我今甚馱賤

欲如毒藥器

亦如毒蛇頭

如利刀劔稍

亦如火猛火

王臣勸化時

堅慧悉不許

捐親及國土

棄欲而出家

如蛇脫故皮

亦如棄涎唾

遠離於過惡

絕望永出家

堅慧捨俗時

臣子隨出家

其人名月施

棄欲隨堅慧

童子出家已

并及大臣子

成就四梵住

具足五神通

深見五塵過

超絕於欲界

轉正妙法輪

直生梵天上

童子出家已

父王起嫌恨。月施詣王所。善化令王喜。

優陀夷當知。昔時堅慧者。遠離於五欲。

今即我身是。優陀夷當知。彼時增實王。

豈為異人手。淨飯王是也。優陀夷當知。

隨我出家者。月施汝身是。亦曾化增實。

是故優陀夷。今應化父王。必有大利益。

昔曾教化故。

尔時慧命優陀夷受佛教已。嘿然許可。時優

陀夷過夜曉已。至於食時。著衣持鉢入迦毗

城。時有釋種一千餘人。集在王門。皆有所須。

時淨飯王聞佛如來到迦毗城。在尼居林起。

嫌恨意。此兒出家。退我種族。富貴大樂如其。

在家應紹金輪王四天下如法統領民無逆
命七寶具足其七者何一曰輪寶二曰象寶
三名馬寶四曰摩尼寶五稱女寶六曰主藏
臣七稱導師寶具足千子勇健難當顏容美
妙能摧強敵護四天下不以刀杖斷理國土
如法治正自然泰平我得輪王自在快樂彼
應尊重供養於我以兒出家故所應得者悉
皆墜落作是念已勅諸釋種一切不得至我
兒所敬信聽法若有犯者當斬其首時有釋
種名曰喜面不在衆中不聞王教見優陀夷
即往其所稽首自言善來尊者得平安耶世
尊安樂少病少惱起居輕利在路不疲供饌

不乏也時優陀夷報喜面言如來安樂少病
少惱起居輕利在路不疲飲食無乏時有釋
種名曰善覺見喜面共優陀夷在屏處語亦
詣其所白言大德自遠而來比康吉耶世尊
起居安樂少病少惱在路不疲供饌無乏耶
優陀夷荅言如來聖御安樂在路不疲無所
乏少尔時復有二釋種一名無憂二名離憂
見喜面善覺共優陀夷在於屏處亦復棄衆
往詣其所白優陀夷言善來至此氣力好耶
世尊起居安樂耶遠涉途路得無疲耶優陀
夷報言如來聖御安樂涉路不疲時二釋種
重白言如來途路何故無乏也優陀夷報言

以四天王及天帝釋諸梵天王常來供養故。無所乏時諸釋種俱白優陀夷言我等今欲詣佛至世尊所供養聽法恐不獲遂何以故。淨飯大王向有勅旨勅諸釋種悉皆不聽至佛所供養聽法如有犯者當斬其首。憍王憲故不得禮拜供養聽受正法時優陀夷聞此語已知其父王有大怨恨我今作何方便至王所也。作是念已我當舉高七多羅樹於虛空中結加趺坐。至於王所。爾時慧命優陀夷即入如實三昧以其三昧莊嚴其心復以神力舉高七多羅樹於虛空中踟趺而坐。飛空往詣淨飯王所時王遙見優陀夷以神通力。

於虛空中加跏而來從座而起合掌恭敬向
優陀夷而說偈言

染服大師從何來

成就威儀難見者

若有所須願速說

我今誠心必奉給

爾時慧命優陀夷以偈答曰

我是大王子之子

大王即是我祖父

我為如來行乞食

得食奉送大善逝

大王今日獲善利

王兒人天最尊上

威德光明照十方

猶如秋月日中時

如日處空離雲霧

光明晃曜普皆照

如是最勝王聖子

威德光顯聞十方

猶如秋月初出時

蔽諸螢火光普照

如是最勝王聖子

伏諸外道獨顯曜

猶如日中盛隆熾

陵於星辰故不現

如是最勝王聖子

降伏外道自光顯

猶如日中陵月明

令月失光明不現

是王聖子伏外道

如日盛明月隱照

如禽獸聞師子吼

水陸空行散還穴

驚奔逃走迷諸方

以師子聲難忍故

大聖如來震吼時

邪外道聞無我聲

假使無知至有頂

聞此無我皆悉怖

盲冥愚癡人天中

有目如來示明炬

為作明燈除愚闇

興舉無上智光輪

顯示邪正等不等

教導世間道非道

為失路者示其路

拔欲淤泥置岸上

如興雲陰覆枯池

注雨充足原隰滿

如是大王仙聖子

興建法雨潤人天

如水沾地及山川

并諸百卉叢林樹

藥草條莖及枝蔓

諸華蔚蔚徧山好

如是十力四無畏

具足十八不共樹

一切智果華莊嚴

王仙聖子微妙身

如須彌山處大海

嚴好不動天樂居

如斯善逝大王子

沙門海中第一

忉利天主舍脂夫

於天眾中奇特妙

如斯世尊大王子

沙門眾中最殊妙

孔說祕奧甚深法

以悲曼電徧一切

如來龍王降法雨

念處池水細注下

持戒威德如日輪

以三昧力除惱闇

智慧光滅煩惱愛

大牟尼日照世間

具足念處摩尼寶

戒定船楫渡彼岸

覺支寶鉏禪浩滿

復求畢又入佛海

清淨戒根堅難動

三昧樹葉念處枝

七覺華空堅樹身

無我堅固成佛樹

戒林中行大力者

三昧調伏德山依

三解脫門為境界

佛十力牙是王子

正見無著牟尼尊

能降強敵勝牛王

恐怖種種諸外道

是大王子無畏乳

尸羅德藏妙莊嚴

禪定寂滅無量衣

具智牟尼解脫境

能施財物如長者

遠離諸惡集諸善

滅諸煩惱善慧根

慧施天人脩羅等

光明晃曜王聖子

戒雲空慧以為電

八支網雨能潤澤

牟尼能與勝苗子

王子猶如火龍雨

尔時淨飯王以偈問曰

勝士得來安樂耶

至於飲食無乏少

身無疲勞牀卧具

如華在岸不萎萎

尔時優陀夷以偈答曰

禪定境界具神力

身心安樂徧充滿

牟尼神慮依寂止

猶如金蓮不枯燥

尔時淨飯王以偈問曰

昔以旌鼓自警悟 美音箏笛及簫瑟
妙好妓女以自娛 今獨林中不苦耶

尔時優陀夷以偈對曰

禪定寂定為境界 巧能脩學三昧樂

行住坐卧依諸善 心常喜樂無苦惱

尔時淨飯王以偈問曰

無價寶牀常安卧 眠時美女衆在側

周圍廣設明燈樹 如何闇卧不悒慙

尔時優陀夷以偈答曰

牟尼眠時卧聖牀 慈為氈褥悲樂枕

佛住喜心常怡悅 捨三有趣不悒慙

尔時淨飯王以偈問曰

諸健釋種常圍遼博達多聞以為伴
殿舍天宮中長養如何今日樂林間

尔時優陀夷以偈對曰

如法生子恒現前同修寂止在其側

心好閑林修諸定離畏導師樂山林

尔時淨飯王以偈問曰

童子昔自在宮時以天浴池而澡沐

亦用香澤塗其身今在林中誰為洗

尔時優陀夷以偈對曰

諸法池水戒善岸牟尼自浴并浴他

已及諸子淨不濕自度以訖及群生

尔時淨飯王以偈問曰

昔種種香鬘熏體

金線真珠以嚴身

常着天子妙衣服

今在林間用何飾

尔時優陀夷以偈對曰

功德鬘嚴戒香熏

禪定櫻珞慙愧衣

通明解脫自在嚴

光明威德曜林中

尔時淨飯王以偈問曰

昔以刀劍弓箭矛

健士執持常防衛

亦用寶蓋恒覆蔭

今獨林中誰守護

尔時優陀夷以偈對曰

慈悲忍辱自防衛

聲聞弟子眷屬力

以功德法定無怖

十力雄猛四無畏

尔時淨飯大王以偈讚曰

善哉善說我子德 久修善法不退轉
汝進食訖將飯去 我亦往詣牟尼王
尔時優陀夷復白王言大王婆伽婆是大衆
師善御群生是大仙人能善安住沙門衆中
沙門中王光明普照譬如十五日夜淨月圓
滿衆星圍遠光明甚盛照耀一切世尊亦尔
在沙門衆中光明照耀亦復如是譬如秋月
在於空中無諸雲翳彼婆伽婆亦復如是
在大衆中光明照耀亦復如是譬如帝釋天中
之王坐善法堂諸天之中光明顯赫彼婆伽
婆在於衆中光明晃曜亦復如是譬如須夜
摩天王兜率陀天王化樂天王他化自在天

王在天衆中光。明顯耀威德。獨尊彼婆伽婆。於沙門衆中威德顯赫。亦復如是。猶如娑婆世界主大梵天王。與百億梵衆之所圍遶。光明晃耀威德。獨尊彼婆伽婆。在沙門衆中光明顯赫威德。尊勝亦復如是。爾時淨飯王聞說婆伽婆道德已。心作是念。此乃世尊聲聞弟子。猶有如是大神通大威力大功德。何況如來復念太子本生之時。大地六種十八相動。動徧動等。徧動踊。徧踊等。徧踊吼。徧吼等。徧吼震。徧震等。徧震起。徧起等。徧起覺。徧覺等。徧覺放。大光明無人扶持。行於七步空中。二道流水注下。洗浴其身。自然而有真金聖

座於處空中化成天蓋諸天禮拜乃至未出
家時不為五欲之所迷惑凡有所作決定不
退隨說能作一切時中堅固火力不作妄語
不違信行本作是言我成阿耨多羅三藐三
菩提自度已訖復當度王時王念佛為菩薩
時本誓願故說是偈言
若有初生已 明智言不虛 所說事不異
智者誰不信 若有初生時 世親說無等
必作天人尊 智者誰不信 若有不能惜
寶聚如雪山 離於貪恪者 智者誰不信
若能於夢中 不作虛妄語 如說如修行
智者誰不信 如刀劍之語 不能惱令瞋

離於忿怒事 智者誰不信 無有能欺者

貪瞋亦不染 具足智慧王 智者誰不信

一切妙五欲 及以種種報 無有能繫縛

智者誰不信 種種希有事 及以眾妙物

無有能怖畏 智者誰不信 以諸美妙言

明人善巧說 無有能惑縛 智者誰不信

以諸順義語 諸欲決定句 於此不能縛

智者誰不信 以諸軍駕力 及以種種護

能出於妙城 智者誰不信 棄捨妙欲樂

為求其露行 怖望於菩提 智者誰不信

六年修苦行 勇猛無能當 求於勝菩提

智者誰不信 六年鹿少食 求於勝菩提

利安諸世間

智者誰不信

六年為魔擾

相續求短缺

不能得其便

智者誰不信

遠離五欲過

不來於他物

常利益世間

智者誰不信

不從他聞法

自然成菩提

寂定難可覺

智者誰不信

梵天自勸請

勤求佛世尊

如請而演說

智者誰不信

哀憐愍我故

來到尼俱園

為度諸釋種

智者誰不信

如來自度已

度我於有海

憶念本誓願

智者誰不信

今正得利時

知佛一切智

為憐愍我故

智者誰不信

我今當往詣

見人導師身

作是思念時

自省是人王

尔時淨飯王久思量已白慧命優陀夷言比
丘汝今至此更何所須時優陀夷以偈答言

本為利益大王故 我今乘通來至此

若於十力起一信 男女皆得趣善道

十力功德無邊際 大仙為諸釋種來

欣欣之事今方至 人主應當發信心

大王名稱必增長 徧滿三千大千界

汝子既是人王藏 具足十力慈悲心

遊行十方心無礙 如華在水不染著

自度四流諸有已 亦度人天四瀑河

安置無畏洲岸上 大王應當信導師

拔去四流三毒箭 亦降群生勝醫師

於衆醫中最尊上

大王應當深敬信

亦能降伏諸軍衆

魔王眷屬惡親黨

證於寂滅妙菩提

大王應當深敬信

諸人天王咸勸請

為度衆生說妙法

敷演無上甘露藥

人中牛王應當信

隱蔽一切外道衆

轉過稱量妙法輪

化度無量億衆生

大雄人王應當信

無明厚覆黑闇中

自眼清淨復淨他

說法能除諸盲翳

大雄人王應當信

老病死畏逼迫者

說除老病不死法

令世間衆昇善趣

大雄人王應當信

三火所燒世間衆

如地洞然以水滅

說於八正聖為人

大雄牛王應當信

除斷三穢吐諸惡

能離世間三垢濁

遊行十方甚奇妙

勇猛牛王應當信

如父愛子愍世間

十力大慈心普潤

起大悲愍度衆生

勇猛牛王應當信

難調能調婆伽婆

所應度者今悉度

能滅熾然諸煩惱

勇猛大王應當信

衆生墮於三有海

猶如船舫能濟渡

十力大悲救世間

勇猛牛王應當信

無量功德端正身

大悲遊行化世間

令久濁心得清淨

勇猛大王應當信

如摩尼寶澄清水

遊行世間淨衆生

除斷群迷竟亂濁

勇猛大王應當信

如摩尼珠性清淨

能令智者心歡欣

世尊離惡心皎潔

令諸明人欣慕樂

於世間最起信心

能使天人離苦擔

捨諸有趣得寂滅

勇猛大王應當信

功德聚中說少分

如在虛空鳥一跡

佛功德岸我不知

大王應當深敬信

爾時淨飯王聞慧命優陀夷善說世尊為菩

薩時所修功德即自念知如來本誓我得度

已必當度王如是念已深生敬信復白慧命

優陀夷言比丘汝今即是我子之子汝可食

竟速還佛所將食奉佛我今亦當往見世尊

尔時慧命優陀夷知淨飯王得於敬信飯食
已訖即持餽饌奉上如來尔時佛告諸比丘
言優陀夷教化淨飯王得於正信諸比丘今
日諸天世人大得利益尔時世尊讚嘆優陀
夷言善哉善哉汝於今日得大福德以淨飯
王得敬信故尔時佛告諸比丘言迦盧陀夷
化淨飯王所得功德若是色者十方世界恒
沙佛刹所不容受以功德聚廣大無量故

大寶積經卷第六十一 人

煩惱煩惱字 逮逮二同音代及也 皮膚下音夫 嘿默二同音墨
阿若下及者 盪摸上莫下胡反 逕多上作 乾燥下蘓

老 既 灌 上 古 愛 及 下 音 高 崖 下 吾 皆 墜 正 作

瑞 摧 自 雷 反 稠 密 上 直 園 苑 下 紆 棘 刺 上 紀

賜 反 七 娛 樂 上 音 臺 館 下 音 貫 亦 額 額 二 同 吾

妹 尺 朱 反 啁 頸 上 音 煙 正 作 膈 後 日 項 郢 反 膺

於 陵 反 臍 纖 上 且 恭 反 圓 直 也 亦 髀 股 上 傍

方 俗 云 膀 反 正 音 古 踣 時 軟 反 正 作 嗣 音 寺 盲 瞽

下 音 古 謂 無 目 沉 溺 下 反 奴 灑 漂 足 苗 反 一 稍

如 鞞 鼓 皮 也 涕 洟 唾 下 上 二 同 音 替 王 四 同 一 去

盛 也 敵 徒 的 反 科 理 寮 上 音 供 饌 下 床 戀 反 屏

處 上 音 餅 窻 法 音 獻 晃 曜 反 上 胡 廣 蔽 必 祭 反 於

泥 上 於 原 隰 下 音 習 高 上 日 百 卉 下 許 鬼 反

枝 萼 下 音 蔚 蔚 上 於 孔 反 下 音 鬱 舍 脂 反 諸 伊

帝釋后鬢莫班船棧也下音伐東竹木渡水

之号也俱猛反浩水胡道反畢义此云網流直

人曰棧卸金僕也反浩水胡道反畢义此云網流直

上音箫瑟上音夙琴悒感上音邑下倉曆氈

禱上之延反也毛席也怡悅上余之反一澡沐

二音早木綫字線箭矛下莫侯反翳掩一計反顯

赫下許客反也恠良反及忿怒上芳問芳瀑河

土蒲醫師字上醫逼迫上彼力反舡舫下音放

也饋饌反上食也交



